



**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
OPĆINA JAJCE
JU „Agencija za kulturno-povijesnu i prirodnu
baštinu i razvoj turističkih potencijala grada Jajca“
ID broj: 4236431200005**

Broj: 01.1-45-125/23

Datum: 22. 5. 2023. godine

Temeljem članka 100. st. (3) Zakona o javnim nabavkama BiH („Službeni glasnik BiH“, broj 39/14 i 59/22) i članka 40. Statuta JU „Agencija za kulturno-povijesnu i prirodnu baštinu i razvoj turističkih potencijala grada Jajca“, u postupku javne nabavke „Konkurentski zahtjev za dostavu ponuda za nabavku radova na izgradnji čelične montažne bine na lokaciji kod vodopada u Jajcu“, čije je obavještenje objavljeno 5. 5. 2023. godine, rješavajući po žalbi ponuđača „Gradprom“ d.o.o. Srbac, zastupanom po punomoćniku Mili Antoniću, odvjetniku iz Banja Luke, zaprimljenoj u administrativnoj službi javne ustanove 19. 5. 2023. godine, direktor javne ustanove d o n o s i:

RJEŠENJE

I

Usvaja se žalba ponuđača „Gradprom“ d.o.o. Srbac, zastupanom po punomoćniku Mili Antoniću, odvjetniku iz Banja Luke, na tendersku dokumentaciju broj 01.3-04-102/23 u postupku javne nabavke „Konkurentski zahtjev za dostavu ponuda za nabavku radova na izgradnji čelične montažne bine na lokaciji kod vodopada u Jajcu“, kao osnovana.

II

Ugovorni organ mijenja tendersku dokumentaciju u skladu s odredbama Zakona o javnim nabavkama na način da se točka 14.1. tenderske dokumentacije mijenja i sada glasi:

„Što se tiče tehničke i profesionalne sposobnosti ponuđači trebaju ispuniti sljedeće minimalne uslove: uspješno iskustvo u realizaciji najmanje jednog Ugovora čija je složenost ista ili slična predmetu ovog postupka javne nabavke, čija vrijednost iznosi minimalno 64.000,00 KM bez PDV-a, u prethodnih 5 (pet) godina ili od datuma registracije, odnosno od početka poslovanja ako je kandidat/ponuđač počeo sa radom prije manje od pet godina.“

III

O zahtjevu za nadoknadu troškova žalbenog postupka ugovorni organ će donijeti poseban zaključak.

IV

Ovo rješenje objavit će se na web stranici Ugovornog organa: www.agencija-jajce.ba istodobno s upućivanjem ponuđačima koji sudjeluju u postupku javne nabavke.

Obrazloženje

Ugovorni organ – JU „Agencija za kulturno-povijesnu i prirodnu baštinu i razvoj turističkih potencijala grada Jajca“ objavom obavještenja o javnoj nabavci broj: 400-7-3-15-3-3/23 od 5. 5. 2023. i tenderske dokumentacije na portalu javnih nabavki, pokrenula je konkurentstki zahtjev za dostavu ponuda „Nabavka radova na izgradnji čelične montažne bine na lokaciji kod vodopada u Jajcu“. U predmetnom postupku javne nabavke potencijalni ponuđač „Gradprom“ d.o.o. Srbac, zastupanom po punomoćniku Mili Antoniću, odvjetniku iz Banja Luke, uložio je žalbu na tendersku dokumentaciju.

Nakon što je ugovorni organ utvrdio kako je žalba blagovremena, dopuštena i izjavljena od ovlaštenog lica, pristupio je razmatranju žalbe.

Žalitelj u žalbi navodi kako je točka 14.1. tenderske dokumentacije koja se odnosi na dokazivanje tehničke i profesionalne sposobnosti u suprotnosti s odredbama Zakona o javnim nabavkama i podzakonskih akata. Žalitelj ističe kako procijenjena vrijednost nabavke iznosi 64.000,00 KM bez PDV-a, a ugovorni organ kao uvjet sudjelovanja od ponuđača zahtjeva da imaju uspješno iskustvo u realizaciji ugovora najmanje vrijednosti 80.000,00 KM bez PDV-a, čime je, kako se navodi u žalbi, ugovorni organ postavio uvjete koji nisu srazmjerni predmetu nabavke čime je postupio suprotno odredbama članka 44. st. (3) Zakona o javnim nabavkama, kao i suprotno odredbama članka 7. st. (4) Uputstva za pripremu modela standardne tenderske dokumentacije i ponuda.

Nakon uvida u raspoloživu dokumentaciju, ugovorni organ je pristupio razmatranju žalbe, te izvršio analizu svakog dokaza posebno i svih dokaza zajedno, kao i analizu cjelokupne dokumentacije, te je u odnosu na propisani zakonski postupak i žalbene navode utvrdio da je žalba osnovana.

Točka 14.1. tenderske dokumentacije u kojoj se kao uvjet dokazivanja tehničke i profesionalne sposobnosti traži dokaz o uspješnom realiziranju ugovora u vrijednosti koja je veća od procijenjene vrijednosti javne nabavki, nije u skladu sa Zakonom o javnim nabavkama. Budući da je ova točka tenderske dokumentacije suprotna odredbama ZJN, a da ugovorni organ može u skladu sa ZJN izmijeniti i/ili dopuniti tendersku dokumentaciju sukladno zakonskim propisima, odlučio je da se izvrši izmjena spornog članka 14.1., koji se mijenja i glasi: „Što se tiče tehničke i profesionalne sposobnosti ponuđači trebaju ispuniti sljedeće minimalne uslove: uspješno iskustvo u realizaciji najmanje jednog Ugovora čija je složenost ista ili slična predmetu ovog postupka javne nabavke, čija vrijednost iznosi minimalno 64.000,00 KM bez PDV-a, u prethodnih 5 (pet) godina ili od datuma registracije, odnosno od početka poslovanja ako je kandidat/ponuđač počeo sa radom prije manje od pet godina.“

Slijedom navedenog, ugovorni organ je žalbu ocijenio osnovanom i odlučio kao u dispozitivu rješenja.

Pouka o pravnom lijeku:

Protiv ovog rješenja može se izjaviti žalba Uredu za razmatranje žalbi BiH putem Ugovornog organa, u roku od 10 dana od dana prijema ovog Rješenja.

Dostaviti:

- Žalitelju,
- Ponuđačima,
- Službeniku za informiranje,
- a/a.



Ravnatelj
mr.sc. Anto Brtno